

Pleidleisiau a Thrafodion – Y Cyfarfod Llawn

Lleoliad y cyfarfod:

Y Siambr – Y Senedd

Dyddiad y cyfarfod:

Dydd Mercher, 15 Tachwedd 2017

Amser y cyfarfod: 13.30

Gellir gwyllo'r cyfarfod ar [Senedd TV](#) yn:

<http://senedd.tv/cy/4657>

100

Enwebu Cadeirydd y Pwyllgor Materion Cyfansoddiadol a Deddfwriaethol

Gwahoddodd y Llywydd enwebiadau ar gyfer Cadeirydd y Pwyllgor Materion Cyfansoddiadol a Deddfwriaethol, yn unol â Rheol Sefydlog 17.2F.

Enwebwyd Mick Antoniw gan Mike Hedges. Eiliodd Jane Hutt a Jenny Rathbone yr enwebiad.

Gan nad oedd ond un enwebiad, ac na chafwyd gwrthwynebiad i'r enwebiad, datganodd y Llywydd fod Mick Antoniw wedi ei ethol yn Gadeirydd y Pwyllgor Materion Cyfansoddiadol a Deddfwriaethol.

1 Cwestiynau i Ysgrifennydd y Cabinet dros Addysg – Gohiriwyd o 8 Tachwedd

Dechreuodd yr eitem am 13.31

Gofynnwyd cwestiynau 1–2, 6–8 ac 11–12. Tynnwyd cwestiynau 3, 4, 5 a 9 yn ôl. Ni ofynnwyd cwestiwn 10. Gwahoddodd y Llywydd lefarwyr y pleidiau i ofyn cwestiynau i Ysgrifennydd y Cabinet a Gweinidog y Gymraeg a Dysgu Gydol Oes ar ôl cwestiwn 2.

2 Cwestiynau i Ysgrifennydd y Cabinet dros Iechyd a Gwasanaethau Cymdeithasol – Gohiriwyd o 8 Tachwedd

Dechreuodd yr eitem am 14.16



Cynulliad
Cenedlaethol
Cymru

National
Assembly for
Wales

Gofynnwyd cwestiynau 1, 3, 4 a 6–8. Tynnwyd cwestiynau 2 a 5 yn ôl. Atebwyd cwestiwn 3 gan y Gweinidog Gofal Cymdeithasol a Phlant. Gwahoddodd y Llywydd lefarwyr y pleidiau i ofyn cwestiynau i Ysgrifennydd y Cabinet a'r Gweinidog Gofal Cymdeithasol a Phlant ar ôl cwestiwn 3.

3 Cwestiynau i Ysgrifennydd y Cabinet dros yr Economi a Thrafnidiaeth – Gohiriwyd tan 22 Tachwedd

4 Cwestiynau i'r Cwnsler Cyffredinol – Gohiriwyd tan 22 Tachwedd

5 Cwestiynau Amserol

Dechreuodd yr eitem am 15.04

Gofyn i Ysgrifennydd y Cabinet dros Ynni, Cynllunio a Materion Gwledig

[Simon Thomas \(Canolbarth a Gorllwein Cymru\)](#): A wnaiff Ysgrifennydd y Cabinet ddatganiad am y camau a gymerir i ddiogelu anifeiliaid gwyllt yn sw y Borth, ger Aberystwyth, yn sgil marwolaeth dau o'i gathod gwyllt?

Gofyn i Brif Weinidog Cymru

[Andrew RT Davies \(Canol De Cymru\)](#): A wnaiff y Prif Weinidog gadarnhau a oedd yn ymwybodol o honiadau o fwlio o fewn Llywodraeth Cymru yn 2014, o ystyried ei ymateb i gwestiwn ysgrifenedig ym mis Tachwedd 2014 a oedd yn nodi na chafodd unrhyw honiadau eu gwneud?

Gofyn i Ysgrifennydd y Cabinet dros yr Economi a Thrafnidiaeth (atebwyd gan Ysgrifennydd y Cabinet dros Lywodraeth Leol a Gwasanaethau Cyhoeddus)

[Jane Hutt \(Bro Morgannwg\)](#): A wnaiff Ysgrifennydd y Cabinet ddatganiad am y rhybudd gan Aston Martin ddoe y gallai ei fuddsoddiad yn Sain Tathan fod mewn perygl os na fydd cytundeb ar Brexit?

6 Datganiadau 90 Eiliad

Dechreuodd yr eitem am 15.25

Gwnaeth Mick Antoniwn ddatganiad yn talu teyrnged i'r newyddiadurwr ymchwiliol o Gymru, Gareth Jones (1905–1935).

Cynnig i ethol Aelod i bwyllgor

Dechreuodd yr eitem am 15.26

NDM6569 [Elin Jones \(Ceredigion\)](#)

Cynnig bod Cynulliad Cenedlaethol Cymru, yn unol â Rheol Sefydlog 17.3, yn ethol Julie James (Llafur) yn aelod o'r Pwyllgor Busnes yn lle Jane Hutt (Llafur).

Derbyniwyd y cynnig yn unol â Rheol Sefydlog 12.36.

7 Cynnig i gymeradwyo Cyllideb Comisiwn y Cynulliad ar gyfer 2018–19

Dechreuodd yr eitem am 15.27

NDM6564 [Suzy Davies \(Gorllewin De Cymru\)](#)

Cynnig bod Cynulliad Cenedlaethol Cymru, yn unol â Rheol Sefydlog 20.16:

Yn cytuno ar gyllideb Comisiwn y Cynulliad ar gyfer 2018–19, fel y pennir yn Nhabl 1 o "Cyllideb Comisiwn Cynulliad Cenedlaethol Cymru ar gyfer 2018–19", a [osodwyd](#) gerbron y Cynulliad ar 7 Tachwedd 2017 a'i bod yn cael ei hymgorffori yn y Cynnig Cyllidebol Blynyddol o dan Reol Sefydlog 20.26(ii).

Derbyniwyd y cynnig yn unol â Rheol Sefydlog 12.36.

8 Dadl gan Aelodau Unigol o dan Reol Sefydlog 11.21(iv) – Gohiriwyd o 8 Tachwedd

Dechreuodd yr eitem am 15.41

Gohiriwyd y bleidlais ar y cynnig o dan yr eitem hon tan y Cyfnod Pleidleisio.

NDM6528

[Julie Morgan \(Gogledd Caerdydd\)](#)

[Angela Burns \(Gorllewin Caerfyrddin a De Sir Benfro\)](#)

[Dai Lloyd \(Gorllewin De Cymru\)](#)

[Joyce Watson \(Canolbarth a Gorllewin Cymru\)](#)

[Jenny Rathbone \(Canol Caerdydd\)](#)

Cynnig bod Cynulliad Cenedlaethol Cymru:

1. Yn cydnabod bod anffurfio organau cenhedlu benywod yn cael ei ymarfer yn eang ledled y byd a bod tua 2,000 o fenywod a merched yng Nghymru yn byw gyda chanlyniadau anffurfio organau cenhedlu benywod.

2. Yn galw ar Lywodraeth Cymru i:

a) defnyddio pob cyfle i godi ymwybyddiaeth o'r arfer hwn;

b) annog ysgolion i drafod hyn fel rhan o'r cwricwlwm Addysg Personol a Chymdeithasol a hyfforddi staff;

c) codi ymwybyddiaeth o'r arfer hwn ymysg meddygon teulu a phob ymarferydd meddygol; a

d) gwneud popeth yn ei gallu i sicrhau bod y cymunedau yr effeithir arnynt fwyaf yn derbyn cymorth a chefnogaeth i fynd i'r afael â'r broblem.

Cynhaliwyd pleidlais ar y cynnig:

O blaid	Ymatal	Yn erbyn	Cyfanswm
39	0	0	39

Derbyniwyd y cynnig.

9 Cyfnod Pleidleisio

Dechreuodd yr eitem am 16.20

10 Dadl Fer – Gohiriwyd o 8 Tachwedd

Dechreuodd yr eitem am 16.21

NDM6556 [David J. Rowlands \(Dwyrain De Cymru\)](#)

Camfanteisio ar fewnfudwyr i'r DU gan gangiau troseddol o fewnfudwyr.

- 11 **Dadl ar adroddiad Pwyllgor yr Economi, Seilwaith a Sgiliau: Seilwaith Digidol yng Nghymru – Gohiriwyd tan 22 Tachwedd**
- 12 **Amser a neilltuwyd i'r Ceidwadwyr Cymreig – Gohiriwyd tan 22 Tachwedd**
- 13 **Amser a neilltuwyd i Blaid Annibyniaeth y Deyrnas Unedig – Gohiriwyd tan 22 Tachwedd**
- 14 **Dadl Fer (Neil Hamilton (Canolbarth a Gorllewin Cymru)) – Gohiriwyd tan 22 Tachwedd**

Daeth y cyfarfod i ben am 16.42

Cynhelir Cyfarfod Llawn nesaf y Cynulliad am 13.30, Dydd Mawrth, 21 Tachwedd 2017